

*EBAZPENA, 2016ko urriaren 19koa, Unibasq-Euskal Unibertsitate Sistemaren Kalitate Agentziako zuzendariarena, 2016ko urriaren 13an Unibasq-Euskal Unibertsitate Sistemaren Kalitate Agentziako Adituen Batzordeak onartutako Ikertramos programaren ebaluazio irizpideak.*

Ebaluazio-batzordeek argitalpen-moten sailkapen bat egingo dute, erantsitako irizpideak oinarri hartuta. Sailkapen horretan, hainbat ezagutza-esparrutako kalitate handiko ekarpenak zein diren zehaztuko da.

## **ZIENTZIA ESPERIMENTALAK ETA OSASUN ZIENTZIAK**

Zientzia Esperimentalen eta Osasun Zientzien arloan, Science Citation Index datu-basean jasotako argitalpen zientifikoak balioetsiko dira, gehienbat. Bestelako lanak ere kontuan har daitezke, haien arloan kalitate handiko argitalpenei badagozkie; hots, Science Citation Index datu-basean, dagokien espezialitateko zerrendaren lehenengo herenean dauden aldizkariak. Bestalde, ikerkuntzaren eraginkortasun-maila kontuan izango da, eragin-indizea eta jasotako aipu-kopurua ikerkuntzak izan duen eraginaren adierazletzat hartuz, hain zuzen. Liburuak argitaratzeari dagokionez, nazioartean ospea duten argitaletxe espezializatuak argitaratutako jatorrizko ikerkuntza-liburuak bereziki balioetsiko dira.

## **IRAKASKUNTZA TEKNIKOAK**

Irakaskuntza Teknikoen arloan, patenteak eta argitalpen zientifikoak balioetsiko dira. Science Citation Index datu-basean jasotako argitalpen zientifikoak lehenetsiko dira balioestean. Bestelako lanak ere kontuan har daitezke, haien arloan kalitate handiko argitalpenei badagozkie; hots, Science Citation Index datu-basean, dagokien espezialitateko zerrendaren lehenengo herenean dauden aldizkariak. Horrez gain, ingeniariartzako nazioarteko datu-baseetan jasotako aldizkarietan argitaratutako artikuluak ere balioetsiko dira (adibidez, honako hauetan: TRIS Electronic Bibliography data, Internacional Development Abstracts, International Civil Engineering Abstracts, Environmental Abstracts, Applied Mechanical Reviews, Applied Science and Technology Index), bai eta arkitekturako argitalpenen nazioarteko indizeetan agertzen direnak ere (adibidez, hauetan: Arts and Humanities Citation Index, Avery Index to Architectural Periodicals). Bestalde, ikerkuntzaren eraginkortasun-maila kontuan izango da, eragin-indizea eta jasotako aipu-kopurua ikerkuntzak izan duen eraginaren adierazletzat hartuz, hain zuzen. Salbuespen gisa, atal honetan balioetsi daitezke ospe handiko nazioarteko kongresuen aktetan jasotako lanak, kongresu horiek ospe handieneko Journal Citation Report aldizkariaren pareko hedapen-bide diren zientzia-arloetan, baldin eta hautaketa-irizpideek aldizkari horien antzeko zorrotasun-maila badute. Ustiapenean dauden patenteak balioetsiko dira; ustiapena salerosketa-kontratuaren edo lizentzia-kontratuaren bidez frogatu beharko da. Patentearen hedapen-maila aintzat hartuko da (naziokoa, Europakoa edo Patenteen Arloko Kooperazio Itunaren araberkoa); eta babes handiena duena balioetsiko da gehien. Horrez gain, ekarpena ontzat emango da, patentea Patenteen eta Marken Espainiako Bulegoak eman badu, aurretiko azterketa-sistemaren bidez.

## **GIZARTE ZIENTZIAK ETA ZIENTZIA JURIDIKOAK**

Gizarte Zientzien arloan, hainbat datu-basetan (Sciences Citation Index, Social Sciences Citation Index, Econlit, IN-RECS, IN-RECJ, RESH) edo arlo horretan oro har onartutako beste datu-base batzuetan sartzen

diren ospe handiko aldizkarietan egindako argitalpen zientifikoak balioetsiko dira, batez ere. Dena den, horiez gain, indexatu gabeko aldizkariak ere aintzat hartu ahal izango dira, Batzordeak beharrezko jotzen dituen kalitate-baldintzak betetzen dituztenak, ospe handia eta ikaskuntzan nahiz lan-munduan hedapen zabala dutenak, eta LATINDEX edo DICE katalogoetan sartuta daudenak; horietan, kontuan hartu behar da zer irizpide mota eta zenbat betetzen dituzten. Bestalde, ikerkuntzaren eraginkortasun-maila kontuan izango da, eragin-indizea eta jasotako aipu-kopurua ikerkuntzak izan duen eraginaren adierazletzat hartuz, hain zuzen. Zuzenbide-arloetan ere, kalitate-adierazgarriak egiaztatzen diren liburuak eta liburuko kapituluak hartuko dira kontuan (argitaletxearen kanpo-ebaluazioa, argitalpen-inpaktua).

## **GIZA ZIENTZIAK**

Giza Zientzien arloan, batez ere, kalitate-indizeak (argitaletxearen kanpo-ebaluazioa, argitalpen-inpaktua) egiaztatzen diren liburuak eta nazioarteko aldizkarietan argitaratutako artikulua balioetsiko dira; hau da, horiek datu-base hauetan sartzea kalitatezko erreferentziatza hartuko da: FRANCIS, International Bibliography of the Social Sciences, Arts and Humanities Citation Index, Social Science Citation Index, CINDOC, Bibliography of the History of Arts (RLG), Historical Abstracts, International Medieval Bibliography, Index Islamicus, RILMS Abstracts of Music Literature, Philosopher's Index, Répertoire Bibliographique, International Bibliography of Periodical Literature in Humanities and Social Sciences (IBZ), Bibliographie Linguistique/Linguistic Bibliography (BL), eta Library and Information Science Abstracts. Datu-base horietan sartzen ez diren aldizkariak dagokienez, kalitate-adierazletzat hartuko dira honako ezaugarri hauek: parekako kanpo-ebaluazioak izatea; nazioarteko batzorde zientifiko bat izatea; erredakzio-batzordearen edo argitaletxearen bitartez aldizkariarekin lotura zuzenik ez duten egileek idatzitako artikuluen ehuneko altu bat argitaratzea; maiztasuna eta hiru urtetik gorako antzintasuna; ikerkuntza-lanak soilik argitaratzea; dagokion espezialitatearekin lotura gehien duten katalogoetan eta bibliografia-buletinetan aipatuta agertzea; eta lanak hizkuntza batean baino gehiagotan argitaratzea. Bestalde, ikerkuntzaren eraginkortasun-maila kontuan izango da, eragin-indizea eta jasotako aipu-kopurua ikerkuntzak izan duen eraginaren adierazletzat hartuz, hain zuzen. Arte Ederren arloan, erakusketen antolakuntza eta erakusketen katalogoak balioetsiko dira.

Gasteizen, 2016ko urriaren 19a.

Unibasq-eko zuzendaria,



EVA FERREIRA GARCIA